

MUNDUKOLOREAK

Mapa handietan kabitzen ez diren haur txikiek eta herri txikiek kontatutako mundua

 JENDARTEA / amagoia.mujika@gaur8.info

Munduan kultura asko eta desberdinak daudelako; denak direlako interesgarriak eta zaindu beharrekoak; eta kultura denek dutelako elkarri zer erakutsi eta elkarrekin zer ikasi. MunduKOlореak mapak ideia horiek itsatsi nahiko lituzke haurren logeletako paretetan. Datozen abenduaren 20an eta 21ean salduko da GARArekin batera.

Durangoko Azokan GARAREN postuan zer edo zer erosi zutenek oparitan eraman zuten etxera MunduKOlореak mapa, haurrentzako munduko herri eta kulturen mapa (100x70 zentimetrokoa). Durangokoa hitzordu jendetsua izaten da, iskanbilatsua tarteka, eta maiz eskuak faltan izaten dira nahi den guztia eskuratzeko. Hartara, MunduKOlореak mapa GARArekin batera salduko da datozen abenduaren 20an eta 21ean ohiko saltokietan sei eurotan.

«Munduak handientzat bakarrik pentsatu zituen eskubideak, baina haur txikiek eta herri txikiek ere altxatuko dituzte beren koloretako esku libreak», dio «Munduko koloreak» abestiak. Pirritx, Porrotx eta Mari Motots pailazoek kantatzen dute eta Amets Arzallus bertsolariaren hitz zoragarriak jasotzen ditu aipatu abestiak. Ba hortik asko dauka MunduKOlореak mapak, hain juxtu munduko toki desberdinetako haurrak baititu protagonista. Kontinente bakoitzean bizi diren herri eta kulturen adibide haurrak hartzen ditu, eta neska-mutikoen bikote desberdinen bidez ematen du munduaren berri. Arrazak, janzkerak, ohiturak, paisaiaren inguruko erreferentziak, ondarearekin zerikusia dutenak... modu desberdinean kontatzen du mapak munduko haurren berri. Kultura asko eta desberdinak daudelako; denak direlako interesgarriak eta zaindu beharrekoak; eta kultura de-

nek dutelako elkarri zer erakutsi eta elkarrekin zer ikasi. Maparen helburua da ideia horiek itsastea MunduKOlореak mapa beren logeletako paretan itsastan duten haurren mundu ikuskeran.

Guztira 50 bikote daude, asko herri txikietakoak, normalean mapa handietan agertzen ez diren kulturetakoak. Honakoak, Amerikan: inuitak, quebecarrak, siuxak, estatubatuarak, afroamerikarrak, aztekek, kuba-tarrak, maiak, yanomamiak, brasildarrak, kitxuak, maputxeak eta gautxoak.

Europar: euskaldunak, katalanak, eskoziarrak, tiroidarrak, grekoak, samiak eta errusiarrak.

Asian; palestinarak, kurduak, arabiarak, persiarrak, kazakhak, paxtuak, mansiak, jakutak, mongoliarrak, tibetarrak, indiarak, nanaik, txinatarrak, khmerrak eta japoniarrak.

Afrikan, berriz, hauek: berbereak, sahararrak, tuaregak, mandingak, nubiarrak, somaliarrak, bantuak, kongoarrak, masaiak, himbak eta zuluak.

Eta, azkenik, Ozeanian, papuarrak, aborigenak, australiarrak eta maoriak.

EIDER EIBAR ILUSTRATZAILEA


Mundua ikusteko modu koloretsu eta atsegin horren atzean Eider Eibar ilustratzailearen begirada eta lapitza daude, bereak baitira ilustrazioak. Oso gustura egindako lana dela esan digu, baina aitortu digu une garrantzak ere izan direla tartean. «Ikerketa lana egin behar izan dut toki bakoitzeko haurren ezaugarrien berri jasotzeko;

itxura fisikoari, janzkerari eta egiten dituzten jarduerari buruzko informazioa. Eta une batzuetan lana oso gogorra izan da, munduko zenbait tokitan ia ezinezkoa baita haurren ereduak topatzea. Gerra eta zapalketa topatzen nituen; haur armatuak edo haur hilak topatzen nituen. Toki batzuetan oso zaila izan da haurrak haurren ekintzak egiten topatzea. Barrena mugiarazi dit horrek, tristatu eta amorratu egin naiz askotan. Horregatik, ozen aldarrikatu beharko genuke haurrek haur izateko eskubidea izan behar dutela munduko txoko guztietan», kontatu digu Eibarrek.


Eta helburu horixe ere badu MunduKOlореak mapak, hemen eta han haurrek haur izateko duten eskubidearen aldarrikapen koloretsua izan daiteke.

Alboan, MunduKOlореak mapa. Horma-irudiak 100x70 zentimetroko tamaina dauka. Beheko aldean eta ondorengo orrialdean mapan agertzen diren neska-mutiko bikoteen 50 ereduak. GAUR





Mandingak



Kongoarrak



Nubiarrak



Bantuarak



Kubatarrak



Malak



Yanomaniak



Kitxuak



Brasilarrak



Maputxak



Gaufxoak



Sahararrak



berbereak



Tuaregak

